

CREOLE  
CREOLE  
KOGUI  
BAMANA  
YUKPA  
WAYUNAÍKI  
ACHAGUA  
ROMANI  
BITE IRINAKA  
LENGUA DE RAÍZ  
BARÍ  
**TULE KICHWA**  
**WOUNÁN U'WA**  
**EMBERA HITNÚ CUIBA**  
TATUYO TINIGUA PIAROA SIKUANI  
ÑENGATÚ GUAYABERO SIRIANO SÁLIBA  
**CARAPANA PUINAVE PIAPOCO**  
EDUÚRIA TARIANO CARIJONA KURRIPAKO  
**NAMTRIK WANANO TUYUCA KUBEÓ BARÁ**  
YANA CONA NASAYUWE DESANO PISAMIRA  
**INGA PIRATAPUYO YURUTÍ BARASANO**  
AWA PIT UITOTO TUKANO MAKUNA  
CABIYARI COEGUAJE KAMENTSA KAKUA YUHUP  
COFÁN SIONA MIRÁÑA  
TANIMUKA ANDOQUE  
COCAMAMA NONUYA  
MUINANE OCAINA  
TIKUNA  
BORA  
YAGUA

PUINAVE

# Acuerdo Final para la Terminación del Conflicto Armado

Una publicación de  
**La Oficina del Alto  
Comisionado para la Paz**  
y traducida por  
**MinCultura**





# NAA MUBIGSAYU JAA CAYAD NAA BIJRIWAIRUG JUGLETAPINOT POI BIJUYU JAA.

Naa libro jijanag jajaa naa icayad naa bijriwairucad cajet nat jugletapinot. HABANA CUBA jatamdig naa on cajuicaberg jashrm naa mubigsayu idrg.jadjeushrm jadjeicondig naa-bijuyu Colombia- tee jadbergjee poi naa murptoyu tee birig dumad.

Sei catogla nat puntoot jaa jayarod naa libro jiibishinagotya nam .

## PUNTO 1

### MUBIGSAYU CAJAA NAT FINCAAT- TEE IRIGOT ( CAMPESINOOT JAA).

- Cayad-poi cajaa nat campesinoot ibeped fincaadtee jadjeushrm cajrja cacargli wrijin yalenaad biindiocaliot poi jabeped naa niti fincaat tee oojaligshrm jaa cajug.
- Oshrt jamog naa bijriwairug pendiente-jashinualigmaya cajaa nat campesinoot jatquelrg jee jadbebdig naa caniti jatjeulouni, jatbrgjee poi calat na idjeu jadminrgjee naa cabeb- ijeijed.
- Actualizando cacargjee poi capaperaat cajaa nat canitiot o catam-jrilugjee nat paperaju – riot.
- Cajaicashijeuyapoi nat nitiot rri-riot cacaebrgshot ot jaligshom reserva colombianoot ot camogod.

Brjaligu idshirg cajet nat nitiot.

- Jadshibrgya niti calat nat campesinoot niti rriot o niti yaiod-poi ot- jashanjeitoolad cajumjee ,jadshibrgya calat naa niti jadbepjee 10 año-jaa on jalibrgca calad jaa cajugca.
- Jadshipoibrq calat cajümca- bishi jadjümjet jaa naa niti idbrgprn calat,cacashipri-juirg brr- jaligu caicashijeulig caminbrgjee-ijeijee calat nat cajümcaat.
- Cajrja cacashipoirgya subsidioot creditoot poi oyem jet jad-uuca naa idjeu finca tee.
- Cacashipoi –jriog brjaligu jadshibebdig naa niti,ubrucajrmdigpoi naa fincatee.

**Acuerdo  
de  
Paz**



## Oola cabigshayu jadjeicon jee bujuyu birud colombianoot.

Jadjeu jadminrgli naa jabigshayu naa bijriwarucat oje jamojani 10 añojaa jatjeushrm jadbergli naa muubidyu trmjani aligjeewi bijuyu wrijin bidud colombianoolat.

- Jatshibrgya cajaiwryulija –internetpoi muyantiot shitojani .
- Jadshiliengya hospitalod,cajuiliprn tuijulot,caolot cashijeicon ,rt-japiri-shiribrg calat jajeilic jee cajuyu nat campesinoot.
- Jashiribrgya calat creditoot, cacashijuing poi manejando-jadrgjee ijeijet cafincaat , wrijin naa idjeu .

Jatshipoiminrgya itrm programa cajaishijewed buipää -cacrthrt nat epinolad, cacashijuing poi brjaligu cacashibebdig canitiot.

## PUNTO 2

### BRJALIGU PARTICIPANDO BILIGLI JAA POLITICA.

Jabishiquidrgya cabiügli birepresentanteot yiibilugot cayadjee bitamjaa, jadrm jeepoi naa falta – ilibrg birat biyanot teja.

Jadshilirgya poi oportunidad calat nat contrarioot cajriwailüca bri –cargli caiyadta poi oshrm libre-jashilibrg calat naa participación.

Oje jabishayü –lig naa gobierno jatshanjeushrm –shri naa muqueiyu cabiugbat nat bigobernadolot -alcalde ot poi oyem,wrijin cabirgbat nat birepresentanteot biyanot teja.

Jashirigya itrm grupo moyanot-shitojani vigilando-jadrg jee naa moyerog ot-camog naa bigobierno cajet nat jugletapinot,jatminrg jee oje camojani birat ,cumpliendo jadrg jee cayelog.

Caportunidad-shipriligya nat aspirando carigli nat janamnrm naa cajug-ebyu ,jatdirg shrm naa cajuyu brnwin.

Jadminrgshug na cabishayu ijeiget nat imogot bilat jadbergjee naa costumbre it-rnug nat politicolat cabadta cacaryu jashom naa muu-bep,shrm cacarirg poi nat epinolat jadbepbad naa política.

## PUNTO 3

### JADBERYU NAA MUJUG-EPYU MUPRTOYU POI OYEM.

Naa moyerog ot camog naa bijriwailug jatshiminrgya oje cayadlouni cajet naa jugletapinot oshrt cashiligya brt-organizacionot vigilando-cashirm jatminrg jee jatquelrg jee poi naa moyelog idrg,cabep jijogjet jajaa naa cabigsayu jatjeushrm biligli ijeijet naa bipais –tee jatjeu jatbergli



naa muprtoyu tee bilig ,ojaligshrm rca-canushrg naat epinot cayanot –shrt .

Naat organizacionot cajaijewet jatdirgbwg calat 180 wryu jadminrg-jee naa mubigsayu jaa cayad naa bijriwairug cajet nat jugletapinot, entregando-cacargjee poi nat catalod,canitiot poi icargprnrd epinrt shrt- entregando-cacarbrg jee naa organización –jatam ONU Otda caushiprlrbm – carriolat jatquelrgqueyem naa moyelog idrg.

Naa mubigshayu idrg naa gobiernot cajet nat jugltapinot jatminrg naa acuerdo ot camog jatjeushrm jatbergli naa bijug –epyu naa Colombia-tee .

Jatjeu cajuyu cacambiargli nat janamnuu naa cajuyu brnwin jugletapinot caligbatdi Caucaprillogjee poi cayanodta shri cajruot digca oyad canuprndi bri-wryulou, cajuyu caminrg- jeeshri jaleca ijeijet peg.

#### PUNTO 4

**BRR-JALIGU IDSHIRG NAA JADBERG JEE NAA MUJÜMCA  
(COCAJULEOT-MARIHUANAPOI).**

**IEPNUGPRNOTJIN**


- Jashiliga bri programa idshiminrg cajrja cashirmya nat iligot jaijumyu jaaa naa cocajule-marihuana jule poi oprnat caquedjee jashrt naa oilig ibepyu , otta ayuda shibrt calat cajuyu cacambiarg- jee .
- Jatshibrgya mujrmca ijeinogot cajrm jee remplazando jadrg jee naa coca –lrr calat nat campesinoolat ijugot jajaa naa coca-maruhuana poi oprnat.
- Camog poi bryeye jadshilrigma jadbepdig pero-naa muwrn yawan- tep jaligshom epinot ijugot oilig jaa oshrm calatwi jashiribrg naa cawrn.
- Naa gobierno nacional comprometiendo jalig jatquelrgshilig naa cabishayu jatjeushrm jabergli naa narcotráfico ot jamug naa jatbepyu bryacajedtep naa jaa cayad epinot ebrm ibagjet , jatnueg shrm cajuyujin jashrm naa idjrp iep-minrm ipegjet calat nat ijugot oilig jaa.

#### Punto 5

**NAA MUBISHAYU BR-JALIGU CAJÜJA CASHIRGLI NAT JROT ÜMDRGPRNRTJIN CALAP-UU NAT  
IEPNUGPRNRTJIN.**

Naa sistema integral ot jamog bilat jatjeu jatminrgli calat nat jrot begprnot:

- Jadjeu jaicapindig nat jugletapinot wrjin naa iep idminrgprn cabrlocadi cajaa nat icarirgrnot brn jaligu cacanam capishi-cawagjee üjet-winjet jaa naa cajrr-nat javictima naa guerra.
- Comprometiendo calig poi jadshanshiminrgli naa cajuyu brnwin caligjee ijeijet camaba nat calijani ishandiot.



- Jashirigya poi bri grupo cashijeubrd nat iumdrgrnrtjin moyanot shitojani cacaentrargjee cajuolat.
- Japoi-mug naa bijriwairüg castigo casibrgmaya calat nat iep –minrmpn calat nat victimaat.
- Nat jugletapinot comprometiendo- calig respetando jadrgli nat derechos humanoot, oshot jatjeu jatcambiargli naa bijuyu naa Colombia tee.

## PUNTO 6

JATSHIMINRGYA ITRM GRUPO CAJAISHIJEWEJA NAT FIRMANDO ISHIRIG-OTYA JAJAA NAA  
MUBIGSHAYU SHRM CAJUIBRG NAA BIGOBIERNO CAJET NAT JUGLETAPINOT CUMPLIENDO JATRG-  
JEEPEG NAA OT CAMOG PRN BILAT BILUD COLOMBIANOOLAD.

Caintegranteot naa grupo cajaishijewetya bri-niti jalinrt cashilic,oshrt olawi na bigobierno ot poi  
nat jugletapinot cajewet cajrja cacargli nat organizacionot bryaja winot ,acompañamiento carbrg  
jee poi jajaa naa firmando idshirgya cumpliendo jadrg jee naa moyelog ibrg birat.

Naa mobigshayu idrg naa bigobiernoat cajet nat jugletapinot jadshirgya-firmando-jadrgli ümm  
camogüyapoitep canamdou nat colombianoot, omda jatshiminrgyapeg wrijin naa ot camog prn-  
bilat,shrm cajuibrgprn ibag wryu cayad-jee ijeijet jajaa naa mubishayu ot camogprn habana cuba-ja’.

**Acuerdo  
de  
Paz**



NAA CAPITULO JAYAD-JAJAA NAA MUBIGSHAYU IDRG NAA BIJRIWAIRUCAD CAJET-NAT JUGLETAPINOT (FARC) BIJUYU-JAA BIDRG INDIGENAAT ILIGOT COLOMBIA TEE.

Naa bijriwairüg, jugletuprd poi oyem japischicawag importante biligli bidud indigenaat calat jatminrgjee naa mubishayu shrm- cajurbig cuba-ja jupishicawag shrm ebupabicrdig jajet naa muprtuyu- muubityu, mujüg rriyu poi - wrijin naa wryu epyu. Caligshrm poi nat bijrot caniti-shrt inushogot carca nat jugletapinot.

Oshomda jadjeu jatquerogli naa moyerog juicawrgprn naa bipresidenteat cajet nat jugletapinot (FARC) respetando jadrgjee nat biderechoot bidut indigenaat .

Jamog-poi bijaa bidut- indigenaat, cajui jijogjet cajaa nat biyanot,binitiot poi oprnat,wrijin poi Jajaa naa iep-minrmpnr naa biliprn tee.Ooshrmda jadjeu participando biligli jaa naa mubisayu ot camog birat, cumpliendo jadrg jee naa cayelog ,bibigüilijee poi biligli naa bipaistee Colombia-oo.

#### OSHRT JAMOG NAA JAA CAYAD:

jabishiquelogyo bigobierno bri –tam bicagli bileiot catrmot bilijani ilig-poi biijayadjee pendiente alig jeepoi ante-nat organizacionot cumpliendo jatrgjee naa ot camog birat,wrijin biderechoot jaa poi oprnat .

- Jaicajeu jee poi nat biyanot ,binitiot poi, wrijin naa bijuyu, bicostumbreot . naa bicultural ot camog bilad.
- Jatshiminegya bri resolucion jalibrgjee birat mujüg oiligwi biyanot-tee .
- Oshrt jadquelrgpoi participando caligli nat bijrijuyagot jaa naa mubishayu shrm cajuibeg na gobierno cajet nat jugletapinot capishibiwig jee cajaa nat biderechoot brr- jaligu poi ishird mejorando jadrgjee na bijuyu bilut indigenaat.

#### JASHILIRBRGYA BIRAD BIJAIJEWEDTA NAA BITERRITORIOT TEE .

- Garantizando-jatshiebrg birat naa biguardia indigenat ot poi nat shudaba bigshuleot biyanot tee bijewedta.

#### BRR JALIGÜ JADSHIECONDIG NAA PROBLEMA JAJAA NAA MUJÜMCAAT IEPNRGOT JET CAJUYU CAEBRG NAT EPINOTLAT.

Jaicashijkeuya jadjrmshrt jadbepshrtpoi ojebrn-ni naa mujumcaat iepnrgprnot (coca-lrr,marihuana poi )binitiot jaa,jatshibepyawi jayawan- tep naa muwrni-ilig calat nat jajewet oilig.

Jadshipriligya bri-programa cajrja cashirma nat biindiocaliot EMBERAAT ilipayegot cordobaja antioquia poi ,JWOT –NUKALOT poi san jose del Guaviare tee iligot ,metaja tumacoja mapiripanaja poi.Ot poi AWAOT iligot Nariñoja.

Comprometiendo-japrilig naa gobierno ot-poi nat jugletapinot birepresentanteot poi jatminrgli bri- programa caucaprlogjee canitiot calat nat indigenaat nukaklot emberaat poi iligot naa resguardo cañaveral teja ,alta mira courd poi,curvarado,jiguamiando poi oprnat.

**Acuerdo  
de  
Paz**



## BRJALIGU ISHIRG CALAT NAT JUGLETAPINOTJIN IYRSHRGOLAT.

cajuicashibergya nat organizacionot cajet nat birepresentanteot bilud indigenaat jadminrg jee bri programa caucaprllog jee nat trijulot,mudtulot,dedpalot,mulot poi iyrgprnot cashrt nat iepnrgprnodjin caucaprllog jee cayanota Cajrot- lica.

## CAJAIJEWEDTA BRT-CASHIRGYA CUMPLIENDO JADRG JEE NAA OT CAMOG BILAT.

Ot-nat birepresentanteot otya pendiente ishiligrdy cumpliendo jatrg- jee naa moyelog shrm cajuibrg naa gobierno nacional cajet nat jugletapinot (FARC-EP) jatminrg jee wrijin naa jibinag nam jajebitishrm poi jajeirugli naa bijuyu jatee naa bi país.

**Acuerdo  
de  
Paz**